

平定粵寇紀略

一函  
十三冊

平定粵寇紀畧卷八

咸豐九年己未正月江南軍收江浦縣攻克浦口城  
江浦縣守城賊首薛三元遣心腹羅華清等謁見  
張提督國樑願獻城勦賊贖罪和大臣遣參將李  
世忠詣城受降收復縣城正月二十七日進攻浦  
口出不意陣斬偽懷天福等賊渠數名斃賊千餘  
遂復浦口當世忠之未往受降也羣賊知三元有  
變率隊急攻江浦三元已傳令其下薙髮歸正協  
力死拒潛乞師於水師游擊賴鎮海以兵往援會

世忠至圍遂解三元改名成長後於十年復叛仍  
爲世忠擒斬以徇

楚南軍大捷於南康勦平新城墟及池江等處賊巢  
賊由南康縣窺贛州在新城墟築僞城其賊首則  
踞池江補用道蕭啟江奉曾侍郎援贛之檄正月  
十七日抵賢女埔偵知賊有七八萬衆當以計取  
伏兵附近各隘令管帶田勇知縣周慶榕誘賊出  
巢精兵盡起陵谷中建楚軍旂幟賊驚以爲天外  
飛來棄壘而遁追斬無數削平僞城進攻池江小

溪鳳凰城燬其老巢賊竄南安

皖軍再復浦口

參將李世忠等既克浦口奉勝大臣檄會擊高旺之賊奮勇衝殺立蹋柵壘十餘座逃賊糾合小店諸賊驟撲浦口擊走守城各兵蠶擁而入世忠引勝兵回勦鏖戰數日賊勢漸挫都司朱光興等三面環擊復克其城殲斃無算擒長髮賊百餘名浦

口復得

福建軍克復連城縣龍巖州

閩賊戰敗回竄江西閩之汀州甯化等郡縣先後  
皆復惟連城賊尙負蝸陰圖觀釁東南濱海沃野  
物產極豐惟甌閩間地僻山多民貧力悍賊易於  
誘煽故雖無所獲不肯退閩督撫密飭延建邵道  
潘駿章督同紳耆設法招降散其羽黨陸續投誠  
者七八千人選精壯充新勇遣老弱還鄉里官吏  
妥爲存卹從賊者喜自新有路皆相引舍賊去乃  
調集總兵豫祺副將王捷元參將袁良等督諸軍  
於正月初十日進攻一鼓盪平之餘賊由葛溪一

帶竄陷龍巖州復派都司賴正修前汀漳龍道英樸等於二十三日乘夜進攻城內紳民開城接應賊衆四散奔逃殲擒二百餘名州城立復

### 江南軍克復灣沚黃池二鎮

賊踞宣城縣屬之灣沚與黃池兩鎮市相依附大爲徽甯患和大臣飭提督鄧紹良攻灣沚力戰陣亡總兵鄭魁士繼往派參將鄭朝棟等分路進攻斃賊千餘名於正月二十四日收復灣沚復督副將朱承先攻黃池盡平其壘紹良以鎮筸營守備

帶道標練勇從征十餘年洊升提督迭著戰功咸  
豐二年九月湖南省城初發地雷裏創堵禦最知  
名惜性稍剛愎往往輕敵致竭忠於浪戰也

二月皖南軍克復婺源縣

婺源於上年八月失守張京堂飭接辦軍務之皖  
南鎮總兵江長貴攻勦獲勝正月間密派得力將  
弁斷其接濟二十八九等日疊次大勝二月初一  
日會同各軍鏖戰七時俘馘無數斬險直入克復

縣城

江南軍擊敗皖賊於江浦浦口

江浦浦口次第克復皖北各路悍賊暨黃池灣沚諸潰賊不下七八萬合踞上游烏衣鎮汊河口圖伺釁奪兩城爲六合援張提督國樑遣總兵李若珠游擊薛成良於二月初九日由黃山迎勦賊酋結連九洲之衆直撲浦口張提督躬率大軍分三隊長驅截賊數股李若珠等亦自黃山得勝回前後夾擊殲斃二千餘生擒僞固天福洪方僞立天豫莫興等二十餘名江浦亦爲賊攻撲竝橫截



浦口大道總兵周天培游擊賴鎮海出城接戰賊  
棄械遁

江楚軍克復南安府城信豐解嚴

卽選道蕭啟江旣平新城墟及池江賊壘擬由龍  
廻間道先援信豐徐圖南安屢獲諜知南安賊勢  
窮蹙且畏官軍且暮至民間一夕數驚有機可乘  
遂率所部及管帶田勇之周慶榕由青隴黃隴至  
三角嶺見城中火突起知已內亂大軍鼓勇攀堞  
而登東北門已徧立官軍旂幟遂於二月初三日

克復南安府城時信豐告急之函日至初五日冒  
雨往援初七日會同知府曾國荃總兵遮克敦布  
進攻初十日分八路痛勦蹋毀賊巢伏尸遍野遮  
克敦布一軍適當賊出竄之路斬馘尤多信豐之  
圍立解

皖賊犯廬州大營前署安徽巡撫事布政使李孟羣  
死之

孟羣河南進士湖北殉難按察使李卿毅之子以  
廣西卽用知縣從軍自廣西湖南北安徽轉戰數

千里累著戰功存升安徽布政使帶楚兵援皖獨  
當一面以署安徽巡撫時廬州失陷奉

旨褫職留營自效時駐兵廬州西面官亭長城以圖進  
取賊由六安州來撲奮力堵退二月十五日復以  
大股衝突副將鄧清及孟羣之兄知縣李孟荃兩  
營相繼失陷復併力攻左右兩營自辰至戌賊來  
愈衆孟羣中營力不能禦被賊擁入猶持矛屹立  
圍牆厲聲罵賊手刃悍賊三名力竭死得

旨優卹予諡貞愍其忠骸藁葬廬州千總沈國泰深入

賊巢覓獲與練總楮國泰護送至壽州翁巡撫派  
孟荃送回原籍父子先後殉難遠近哀之

三月皖軍勦賊八斗嶺克之

先是賊糾安慶黨圍撲護城營四面築堅壘數十  
座以困我師副將格洪額等射火箭入賊壘悉焚  
其棚帳賊驚退營圍頓解而賊首陳玉成憤衆屢  
敗思逞志於我糾合大股齊竄八斗嶺勢極猖獗  
勝大臣親統大軍進勦密遣得力將弁選精銳爲  
後勁防賊抄襲前隊旣捷毀壘四座賊果分萬餘

悍黨繞出大營後諸員弁豫爲戒備連環轟擊賊紛紛潰退勝大臣復回隊督戰追斬無數遂移駐張橋撥馬隊扼守八斗嶺

楚軍水陸援湘

賊首偽翼王石達開出金陵至安慶久與洪秀全隔絕續自誘脅擁衆已十餘萬欲因便踞險自雄乃由江西南安府取道崇義竄入湖南郴州所屬之桂陽縣總兵劉培元彭定泰率一千二百人防堵爲賊十倍之衆包抄致大挫失桂陽城陷興甯

宜章二縣亦相繼失守方賊之由湘入鄂而擾豫  
章也湖南官紳招勇籌餉百計分援物力已薄以  
達開乘虛而入幸猛將壯士之假歸於家者肩摩  
韞擊邑紳四品京堂今閩浙總督一等恪靖伯左  
宗棠時適在駱巡撫幕府獨贊戎機星檄諸郡一

月內成軍四萬餘人擇監設守官大臣胡巡撫飛  
咨都將軍調撥吉林黑龍江馬隊回鄂馳赴湘  
派知府蕭翰慶率水師礮船三十二隻剋期會長  
沙逆餒已擾及新田嘉禾沿途裹脅官大臣恐由

衡永竄長沙復增派參將趙福元率勇二千餘人  
由黃州往副將陳金鰲由楊提督水營往副都統  
舒保選帶馬隊二百由皖界往皆先入鄂稟受方  
畧分馳而去胡巡撫仍駐黃州督辦湖北軍務以  
固守爲事姑緩謀戰先增募蘄黃襄鄖郡縣壯勇  
各千餘人且守且練以補援湘之虛

皖軍克復六安州

賊踞六安分擾英霍以圖旁竄勝大臣督重兵赴  
正陽關堵扼賊援調諸練勇攻六安薄城下賊出

戰敗退前六安州知州茅念劬霍邱縣練總守備  
趙春和開礮轟擊斃賊四百餘名附城卡壘及關  
廂木柵數十處蹋毀罄淨官軍晝夜環攻三月十  
九日填濠直上茅念劬趙春和首先登城已革副  
將盧又熊等繼之賊出南門奔舒城霍山追殺二  
十餘里

楚南軍敗賊於永州諸州縣解圍

賊陷桂陽興甯宜章等縣復間道撲郴州桂陽州  
進窺衡州候選知縣魏喻義帶勇迎勦斬髮賊



名賊不敢犯改道由甯遠竄永州府時記名道  
長佑帶兵回援飭副將余星元等分路擣榔桂諸  
賊巢均獲捷長佑獨勦永州焚賊壘二十餘處  
賊六七千生擒五百餘遂解永州圍

皖軍克復霍山縣

賊之盤踞皖境每藉捻匪爲聲勢勝大臣於二日  
二十三日受擒首張元龍投誠衆以萬計鳳陽府  
縣及臨淮關三城同日收復聲威益壯自復六安  
後敗賊紛竄茅念劬等跟蹤追殺直至霍山

署知縣王自籛見大隊齊到奮勇進攻將  
賊擊退乘勢登城賊由東門逃竄立復縣城  
逃賊數百名生擒百餘名竝於白洋舖截殺  
來援之賊千名大獲全勝

江南軍擊敗九洲諸賊

江南軍擊敗九洲諸賊

三月十五十八等日張提督國樑派總兵李若  
副將馮子材進攻九洲各率所部直擣中堅  
賊無數賊於浦口之西南連築堅壘張提督  
培選隊會勦三戰三捷直趨九洲二十五日二

路進兵殺賊數百近處賊壘一律蹋平

五月皖賊陷盱眙縣尋克復

盱眙前臨洪澤湖後倚叢山五月二十六日被賊  
闖入勝大臣派營總烏勒興阿伏高橋左側衝賊  
爲數段賊衆踉蹌敗歸濱河水師開礮斃賊無數  
勝大臣復挑選湖內網船配給槍礮由老子山一  
路溯流上駛扼盱眙之背復派副都統富勒德恩  
布等分路進逼六月初二日夜陸兵銜枚疾走抵  
東關馬隊先登步隊繼進賊衆倉皇潰竄我軍槍

礮齊施水師亦鼓勇登岸轟擊再接再厲斃賊不計其數立復縣城副都統麟瑞等於澗溪一帶接仗亦獲全勝

六月楚南軍攻克景德鎮及浮梁縣城

賊初踞景德鎮勢欲薰熾江右要衝之區肆行無阻及南安既復信豐解圍大爲官軍所懲創而張運蘭會同王文瑞等圍鎮半載斬獲雖多迄未得手上月曾侍郎添派知府曾國荃帶吉中等營五千八百人赴鎮協攻六月十三日夜賊出火簾四

十餘座輔以夾岸陸賊圖襲艇師江西水師道員  
劉于潯屯軍西瓜洲燃火彈拋擊陸師亦排礮  
勦賊戶盈岸遂焚其火簪風大火烈延燒鎮市甲  
房賊衆皇急是夜乘黑暗棄鎮潛竄浮梁國荃軍  
蘭等水陸進攻十五日抵浮梁縣悍賊三四千人  
出浮橋列陣以待我軍迎擊立斃二百餘名落水  
死者千餘人跟蹤入城運蘭從西門外抄入文瑞  
從東門抄入斷後各賊殄殲殆盡已革皖南道

景芬前浮梁縣楊鎔署浮梁縣柴外革委團練

東鄉而來隨同克復縣城賊奔竄祁門建德  
仍三路追勦過縣城四十餘里戍刻收隊

皖賊犯來安及滁州擊卻之

盱眙城復後賊首陳玉成於六月初六日率死黨  
攻來安參將李世忠守城豫伏壯勇於南北兩門  
外自督守備董正品衝入賊壘所向披靡賊乘虛  
襲城伏起攔擊世忠回隊夾攻賊敗走十五日  
陳賊連夜走滁州親帶弁勇乘勝追之竝由水  
焚燒賊糧斬賊目十一名

賊陷定遠縣前淮揚道郭沛霖知縣周佩濂死之

賊之未攻來安也遣其黨糾合捻匪圍定遠縣  
淮揚道郭沛霖爲翁巡撫同書派令留守與知縣  
周佩濂激厲勇丁百計自固竝屢出城痛勦賊氣  
沮解圍去及來安旣敗復率大隊擁至總兵惠成  
出隊攻勦因賊勢太衆兵饜久絀不得力遂於六  
月十八日夜失陷知縣周佩濂督所親巷戰身受  
數十創猶挺刃奮殺斃數賊而死外委周汝諒周  
炳濂以下從死者十餘人郭沛霖由翰林起家素

以志節自勵守揚州時爲兵勇挾護出城常以三  
能死自恨獲咎後爲翁巡撫奏調赴皖以前守定

遠功

賞五品頂戴及賊再至本無守土之責頗可趨翁巡撫  
大營以免乃慚於前咎效死勿去遂及於難蒙

卹贈光祿寺卿

湖南賊大隊圍寶慶府楚軍擊敗之

石達開以祁陽之敗圍衡州不獲乃攻寶慶府

脅極衆號稱數十萬連壘百餘里長圍僅闕北一



面時鄂省援師先後至管帶水陸諸將亦皆自長沙進勦副將田興恕軍府城之南卽選道趙煥駟總兵周寬世軍府城之東城西濱資水各艇師扼之官大臣胡巡撫憂寶慶重地不可無良將爲統飛檄荆宜施道李續宜率湘營由上巴河督馬步大隊馳至軍心資以鎮定先是賊以五月上旬攻寶慶續宜未至趙煥聯周寬世屢挑戰獲勝諸員弁告奮勇開壁門出擊斬前鋒驍悍拳六六水師亦轟礮助威賊不爲動前隊攻城後賊

石達開踞城南十里之澄水橋賊首賴文光踞城  
西五里之神灘渡賊首傅姓踞城東十二里之泥  
灣是爲三賊首大壘其餘纍纍若貫珠者不可枚  
舉田興恕驍勇夙著數衝鋒血戰近城之賊爲之  
少卻道員劉長佑部楚勇由武岡州繞道郡城西  
北巨口埠總兵劉培元率艇師由益陽溯資水而  
上與劉長佑會從北路調集副將余星元楊恒升  
等紮范山從東路調集候選知府今雲南巡撫劉  
嶽昭副將朱品文等紮龍安橋剋期會勦縱橫盪

決賊雖數敗而其勢未衰北路賊之新壘復成自是寶慶城四面皆被圍矣官軍之營於洪橋者復受挫潰散城中大恐六月十九日李續宜由安化進駐藍田距府城一百四十里閱伍籍其兵勇三萬有奇咸受節制聽調遣賊首聞援軍大至且畏續宜威挑選精悍併力致死裹三日糧誓破寶慶兼分賊四出撲營續宜進兵高家冲會劉長佑商破賊之策長佑言東路勢厚且巖壑幽邃不可用武續宜乃定計由北路進攻旋敗半邊街藍江埧

襲營諸賊遣劉培元造浮橋於釀溪濟師令劉嶽  
昭余星元等朝暮率游兵突東南二面牽賊俾不  
防西北自督大軍渡資水而西賊衆方撲半邊街  
官營未之覺大軍直擣匡家嶺賊巢掩旂鼓從山  
背襲之賊大潰乘勝蹴毀田家渡柵壘東路賊聞  
知亟渡資水來拒續宜戒各營勿動密令副將沈  
俊德胡裕發等出西路爲橫截之兵參將毛有銘  
出後路爲包抄之兵林密山曲之地派營官于高  
勝郭鵬程爲伏兵濠內外賊縱徧滿派副將蕭慶

衍梁作楫爲防兵自督親兵勁旅及馬隊伺賊懈  
縱擊之聲震山谷斬驍賊無數諸將亦齊集報捷  
續宜以賊勢已靡然悍且衆慮多傷我戰士不如  
分擣其巢穴令黨衆散亂自後東討西擊發蹤指  
示戰輒有功共毀賊壘柵一百八十餘座斃賊二  
萬餘生擒三千餘獲器械馬匹諸雜物巨萬賴以  
二賊皆潰竄石達開亦氣奪心驚不敢復萌自

圖鄂之志

七月皖軍疊破悍賊來安滁州解圍

偽英王陳玉成率死黨攻來安犯滁州副將李世忠擊之賊少卻尋復糾衆圍來安竝分屯於城西北卓家巢等處築壘幾徧七月二十日世忠督令李元忠帶勇出隊偵賊志已驕挑戰偽敗而精銳四伏不出賊笑官軍怯亦退休世忠又環譟賊壘以激其怒賊不爲意惟槍聲斷續虛作備禦而已入夜各壘寂然知賊火藥漸竭乃鳴鼓角驟進蹕厲迅發火彈火箭滾滾落賊壘赤光燭天賊猝驚無所措乘勢掩殺破壘二十八座追奔數十里獲

米糧器械運轉入城二十二日世忠帶隊回滁州  
飭都司朱元興蔣立功等破沙河集龍停口賊壘  
四十七座滁州之圍亦解

江南軍擊敗六合天長各賊  
德大臣師久無功爲和  
大臣參奏江北軍務改歸  
和  
大臣統轄派福建陸路提督李若珠渡江攻六合  
合總兵張玉良攻天長七月三十三四等日接仗  
各有斬擒水師總兵吳全美攻魯港鴉山總兵李  
德麟攻大通荻港亦於七月初五初八等日獲勝

破賊壘多座生擒僞指揮羅開文等九名

楚南軍勦寶慶竄賊連戰皆捷

石達開受創於寶慶猶聚踞東南路七月十二日  
諸營分路進勦大戰於賀家坳營總德海等馬步  
奮擊李續宜率候選同知直隸州金國琛等督隊  
衝殺陣斬僞元帥胡德孝僞統戎陳麗江殲斃數  
百名東路襲龍安橋之賊道員趙煥聯敗之南路  
九鞏橋白楊鋪之賊田興恕敗之陣斬僞佐旂總  
制黃立英僞檢點陳明官等十餘名生擒五百餘



名內有偽將軍蔡光遠周學福王智明偽提審孫  
子安割獲髮辮三千二百餘件候選道江忠義一  
軍亦生擒偽將軍李定發偽通傳許六祥等四十  
五名十七十八等日劉長佑追賊至白倉大臨橋  
生擒偽統戎將軍等十餘名石達開乘良馬張黃  
蓋指揮迎拒副將胡福發督營官羅重世等躍馬  
直進奮力衝殺賊始潰竄追斬賊一千有奇二十  
四五等日復追擊於白茅寺直至東安縣沿途殲  
戮極衆另股竄永明縣者擾近道州知縣魏喻義

等追至筒車尾痛勦之湘省以次肅清達開既與  
洪秀全隔絕另造僞官名如統戎佐旂提審通傳  
等皆前所未有也

江西信豐賊竄廣東惠韶等府討平之

江西信豐之賊二月初十日竄出後闖入廣東竄  
擾惠韶兩郡兩廣黃總督宗漢飭已革廣西臬司  
張敬修署惠州府知府海廷琛等督帶兵勇擊賊  
於順天湖層坑連平坡頭墟等處追至古洋峒山  
坳各賊爭先渡河我軍分隊邀擊水勢奔溜溺斃

五六千名殲斃四五千名餘賊散逸粵東肅清

八月皖軍擊賊於盱眙之清壩高家凹

至古

賊數不得逞志於盱眙糾合捻匪沿淮肆擾伺

進圖勝大臣遣副都統穆騰阿由洪澤湖東南進

勦沈燬賊船賊壘無數復派淮而西督守備余

山海礮船往來搜殺賊情漸窘乃於八月二十八日

撲我清壩高家凹營盤營官張得勝格洪

迎拒僞前軍主將吳如孝素以剽悍

江

出至皖北肆毒張得勝直前衝殺用

取首級竝所服黃馬褂懸馬首死黨爭充膏片  
我軍殲戮殆盡賊衆向南潰走追殺數十里

楚軍攻石牌鎮拔其僞城

石牌鎮隸安徽懷甯與潛山太湖等縣接壤爲陸  
路楚皖要道先於八年八月爲多隆阿鮑超攻  
三河之控復陷於賊益加堅守造僞城高二丈餘  
礮眼星列環以深濠椿簽密布阻我入皖之師兼  
通太湖糧運官大臣以僞城不拔終礙東征嚴飭  
總兵鮑超謹守太湖老營而令福州副都統多隆

阿統馬步兵勇攻之是月二十八日銜枚捲甲齊  
抵城根參將楊朝林雷正綰游擊趙旣發東路進  
都司周天祥守備李德謙陳天佑北路進參將珍  
正春南路進多隆阿勒所部馳西路四面會攻安  
慶潛山賊虜聚來援撥馬隊分二路迎擊之援賊  
敗走我軍遂專力攻城衝冒矢石抉礮眼而入生  
擒偽霍天燕石廷玉等四十七名擊斃數千名力  
拔偽城醜類無漏網者

九月石達開全隊犯廣西桂林省擊郤之旋竄陷慶

遠府

員數編補錄著編列狀以察察

廣西自洪秀全等全股下竄近十年頗安謐聞  
廣東土賊竄擾隨時堵勦全省肅清石達開在  
南寶慶永明道州疊受懲創知無可竊據  
歧老賊多籍廣西者聳令歸竄遂由甯城

處山僻小路直犯桂林曹巡撫澍鍾督率文武

守竝挑選精銳或輕師出襲或左右環攻夜

風拋擲火箭噴筒焚燒賊壘使賊無刻安時

臣駱巡撫已遣將弁馳援道員劉長佑蕭啟江各

統湘營部曲由新甯赴粵前廣西布政使蔣益澧  
參將肅榮芳自柳州聞警趨至九月初四日啟江  
一軍從南門文昌門分投進勦破賊壘數座與益  
澧水陸兜擊擒殺無數初十日賊衆由南路潰散  
省城解圍旋於二十日竄陷慶遠府

十月皖軍克復懷遠縣

縣濱淮河毗連定遠爲廬州犄角自賊踞後言  
屢爲阻撓勝大臣計清淮河必自懷遠始十月初  
四日遣副都統穆騰阿知府秦榮游擊黃開榜等

督馬步礮船水陸進攻由臨淮入渦河破賊壘五  
座直抵文昌閣焚燒沿河賊壘斷浮橋截其糧運  
三戰三捷城圍遂合奪賊艇三百擊沈無數礮斃  
近萬人十四日黃開榜拔幟先登兵勇繼進賊大  
潰立復縣城

### 江南軍勦六合失利

李提督若珠攻六合援賊踞紅山窰橫截大營後  
路和大臣派總兵馮子材等馳援營於紅山窰之  
東因接仗時大礮震裂兵勇驚潰致東營復爲賊



踞六合大營被圍糧盡援絕統帶忠勇詹啟綸列  
營南門外密探得是夜賊壘口號爲大風二字  
諭將勇呼嘯而出李提督率衆從之遂突重圍  
揚州西路

皖南軍勦涇縣賊黨獲捷

皖南涇縣之賊由查邨進犯周總統天受派劉  
石玉龍游擊申明照等併力擊退天受親往督勦  
十月初七日賊大隊至糴子店藍山嶺玉龍力  
賊少卻復竄章家渡參將周天受自率隊往

猶隔河死拒天受率參將朱景山等各軍接應內  
外夾攻衆始潰走玉龍明照及守備鄭國泰均以  
血戰亡玉龍鎮竄行伍自廣西轉戰至皖南戰功  
卓著明照亦於浙東屢立戰功均奉

旨優卹

江南軍復失利於浦口周提督天培陣亡

和大臣派湖北周提督天培扼浦口連營結寨爲

江浦聲援自六合軍潰賊益狂肆糾合諸死黨窺  
圍浦口張提督國樞撥兵勇馳往協堵時賊勢鴟

張屢戰失利天培力竭捐軀營寨皆陷大軍退保

江浦

十一月江南軍屢破江浦賊壘

自浦口官軍失利賊衆東伺揚儀西逼江浦南窺  
溧水兇燄復熾張提督渡江躬親督隊十一月十  
一日平毀北山新卡十四日攻破城南賊巢十五  
六日賊於磨盤洲築壘官軍四路蹙之賊衆大敗  
狂奔北門外賊壘亦同時攻破陳家集等處之賊  
竄回天長南路之賊窺伺溧水亦爲防軍擊退二

十三日江浦對岸地道內火藥轟發官軍並未受  
傷賊轉自斃無數乘勝擊之復將西北賊壘二  
餘座平毀揚州邊界一律肅清

皖南軍復敗賊於黃池南

皖南軍獲捷於涇縣賊退踞董家邨十一月十九  
日撲高級黃栢嶺官營副將榮升督都司張維坤  
擊走之又竄擾河西爲參將朱景山等所敗副將  
吳再升遂乘勝進勦黃池南岸之牛頭山賊壘北  
岸賊糾黨來援分兵迎拒殺斃極多賊壘皆平北

岸賊潰走渡河我軍遂收復南岸

池州府內應獻城既克復陷

楊岳斌彭玉麟水師駐安慶聞池州府守賊韋志  
俊堅志投誠玉麟親率三營赴池剴切開諭受其  
降令獻城贖罪遂收復池州府志俊旋派其部下  
頭目古隆賢等進攻蕪湖隆賢等甘心從賊糾衆  
回撲府城志俊隨同官軍迎勦自十月十四日至  
十一月二十五日屢收賊於西北門外柳波磯青  
溪關等處因衆心不一府城復陷

楚軍會籌勦皖敗賊於槎水畷

曾侍郎既解閩浙之圍折回江西駐軍建昌居中  
調度江省恃以保障嗣石達開竄湖南蔓延千數  
百里獲諜稱欲入蜀官大臣胡巡撫以蜀之安危  
關係中原大局請以曾侍郎率兵入川得

旨允行八月二十三日曾侍郎由湖口抵鄂時達開屢  
受懲劄川中已有備無患復於九月內會奏暫緩  
入川會籌勦皖曾侍郎紮營上巴河俟湖南撤回  
各兵分攻皖賊先是多隆阿鮑超率馬步九千餘

人攻太湖道員蔣凝學唐訓方率七千人駐荆  
扼安慶石牌之衝以爲援應以參將余際昌率一  
千人攻英山以保蘄黃胡巡撫旋由黃州親往  
應及曾侍郎會師軍心益壯賊由天堂王婆  
處進撲圖解太湖之圍已爲我軍勦退是月  
日桐潛大股賊黨三萬餘人陸續膺集將襲我  
堂後路余際昌帶昌字全軍會同帶禮桂三  
訓導丁華先商令潛山縣知縣葉兆蘭糾集  
練勇分路設伏二十一日於槎水

之陣斬僞漢天侯拱天豫二名略或曰于官略  
一百餘名獲騾馬旂幟無數餘賊奔潰

十二月湖南建表忠祠求忠書院

湖南自曾侍郎倡率團練布政使羅澤南李續賓  
續宜先後募丁訓練悉成勁旅陣亡各大員已蒙  
恩許立專祠駱巡撫請再建於長沙省竝以提督鄧紹  
良瞿騰龍等未得專祠者別建表忠祠部曲員弁  
兵勇一律附祀復建求忠書院令陣亡官弁之後  
嗣入院讀書所需經費由官紳倡率捐辦得



旨允行

其後一州州縣官等生忠君愛國合職守節守志  
其後一州州縣官等生忠君愛國合職守節守志  
其後一州州縣官等生忠君愛國合職守節守志  
其後一州州縣官等生忠君愛國合職守節守志  
其後一州州縣官等生忠君愛國合職守節守志  
其後一州州縣官等生忠君愛國合職守節守志  
其後一州州縣官等生忠君愛國合職守節守志  
其後一州州縣官等生忠君愛國合職守節守志  
其後一州州縣官等生忠君愛國合職守節守志  
其後一州州縣官等生忠君愛國合職守節守志

其後一州州縣官等生忠君愛國合職守節守志

其後一州州縣官等生忠君愛國合職守節守志